

觀

象

玩

占

觀象玩占卷之四十八

風角

十二月歲月日時風占

太歲在寅正月寅日寅時風從寅上來太歲在卯二月卯日風
從卯上來太歲在辰三月辰日辰時風從辰上來太歲在巳
四月巳日巳時風從巳上來太歲在午五月午日午時風從午
上來太歲在未六月未日未時風從未上來太歲在申七月申
日申時風從申上來太歲在酉八月酉日酉時風從酉上來
太歲在戌九月戌日戌時風從戌上來太歲在亥十月亥日亥時

風從亥上來太歲在子十二月子日時風從子上來太歲在丑十二月丑日丑時風從丑上來急暴寒慘皆為客勝主人軍不勝

三刑相會風占

假令今月是丑日時加戌風從未上來大寒克者必大戰流血客主俱傷所以然者丑刑戌風從未上來又刑丑而戌又刑未此三刑俱會也法主大戰流血申日時加寅風從已上來者同占子日時加卯風從子上來客大勝主人多死傷風從卯上來主人勝辰午酉亥自刑之日風從其上來客勝若時加

辰午酉亥風從其上来則主人勝風從日刑上来猝暴者則必夜來人攻風從刑上来相衝擊上起者半路有突兵風為應風逆行者伏兵起軍中

凡風從三刑上来坐者急起行者急走賊必至必交戰有敗宜固守若戰將必死月刑不出月日刑不出日

凡風從三刑上来非惟兵戰百事皆凶刑上来發疾刑下来發達假令今日子時刑在卯風從子上来為從刑上来風從卯来為從刑下来風從刑上来為客利從刑下来為主利餘同凡刑金刑為兵金日庚辛申酉也是木刑為表木日甲乙寅卯

是也火刑為火火日丙丁巳午是也水刑為水水日壬癸亥
子是也

凡軍始行逢歲月日時刑下風來者必有將死若得王相客死
囚廢主人死

風從歲刑來必有大兵人馬死不出歲天下大兵

風從月刑來為賊起郡兵發

風從日刑來為賊夜至主人兵敗

風從時刑來不出三日鄉兵起

雜風占

凡風類從歲月德合上來日也明盛天氣清和謂之祥風其占
為天子用賢人遠小人天下偃兵萬物阜

凡風声聒耳不調類從三刑歲衝上來謂之妖風其占為天子用
小人遠君子旱澇不節天下凶

凡風從歲月日時衝上來上於刑衝者大臣灾蝗虫生糴貴有
火灾以日占國

假令微風不動枝葉常從德合上來有喜亦小常從刑衝
上來不動枝葉有灾亦小必鳴條以上至木折木發屋揚沙
走石可以言大灾福

凡春甲夏丙秋庚冬壬四季月戌為四時天子風若順時於歲
月日德上來止於德合時方其風鳴條擺樹不走沙石天氣
溫和月色明朗者天子有德天下治安五穀豐熟四夷聽順
國有大喜 凡八節之日風從三合六合及天門上來皆為吉慶
凡春甲乙寅卯日夏丙丁巳午日秋庚辛申酉日冬壬癸亥子日
有風鳴條帶雨不驟民安物成

凡春庚申辛酉日夏壬癸亥子日秋丙丁巳午日冬戊己辰戌丑
未日有風擺樹鳴條或來雨雪揚沙吹塵叫怒有聲皆為
人民不安萬物不成

凡春甲寅夏甲午秋甲申冬甲子天門乾上有風鳴條落
葉大赦五谷

大熟

凡乾坤艮巽上風起飄鳴條拂樹落葉夾雜微雨或小二
聲雷者亦曰祥風五谷成天下安

凡四季月風從乾坤艮巽上來天子有德令

凡甲乙日風從坤來丙丁日風從乾來庚辛日風從艮來壬癸
日風從巽來戊己日風從坤艮來動葉鳴條去地尺餘不揚

塵沙風氣清和日
明潔民安國昌五谷蕃熟

九子日風從午上來午日風從子上來甲日風從庚上來壬日風從
丙上來皆為衝破甲乙日風從庚酉辛申上來壬癸日風從辰
戌丑未上來皆為刑剋其餘准此其風暴怒勃亂寒慘陰濁
皆有大憂五谷傷人不安

九乾為天門風起蓬勃鳴條乍緊乍慢天色黃黑為火為旱
為疫為米貴又曰風蓬勃鳴條天色黃黑王相徵大旱百果
不成王相角疾疫王相商兵動物貴王相羽蟲生人飢王
相宮君有德令萬物成異為地戶風起吹沙走石有聲如
雷如牛吼有大水一日以上止西南方人多疫東方人半疫虫

虎傷害人二日止來年國有大水灾

坤為人門風出去地尺餘不動塵沙風氣清爽日光明潔通天
有黃赤雲氣國有大慶大抵坤上風吉多凶少有非常之
風又當以五音六情刑德言之

艮為鬼門有風吹沙走石有声如千萬人呼風氣昏黑天
色晦瞑人多疾病牛馬疫死五穀不成應在來年西南為衝
方人多病死鬼出人見之

凡戊己屬中宮無刑衝寄於乾坤艮巽皆有土位主中國之君
若戊己風發於乾坤艮巽在辰戌丑未之時戊己為陽己日

為陰其風又止於辰戌丑未之方則為天子有德今天下安寧歲美人樂

凡風常發坤方其氣暄熱主旱常發艮方其氣淒涼主多陰雨
凡春甲子夏丙子秋庚子冬壬子四季月戊子謂之天甲子
春甲子風雨有赦夏丙子日風雨兵起刑獄興秋庚子日風雨有威賞之令冬壬子日風雨當進賢人四季戊子風雨歲熟國安有赦令

凡立春正月戊申二月己酉三月庚戌日有暴風西方來滿七日兵起西方

凡立夏四月辛亥五月壬子六月癸丑有暴風從西方來滿七日兵起北方

立秋七月甲寅八月乙卯九月丙辰日有暴風從西方來滿七日兵起東方

立冬十月乙巳十一月丙午十二月丁未日有暴風從西方來滿七日兵起南方其應皆不過衝

凡春丙申丁酉日大風從西來夏戊申己亥日有大風從北來秋壬申己巳日有大風從南來冬甲辰戊午日有大風從西來四維亦有賊方起若已有賊必來相攻亦有謀叛者

凡春丙丁夏戊己秋壬癸冬甲乙日有暴風急雨寒克者賊兵起已有賊必入界若風至夜不止必有大賊圍城

黃帝占曰暴風卒起東方天下飢民流亡盜賊相劫卒起東北方鬼行人道有旱疾病卒起西北方食物不時人病瘡疥卒起西方秋旱霜物不成

凡暴風忽起擺樹鳴條風勢緊急未及一二刻漸微而止者而其遠不過十里來觀視日辰占之若在刑衝方則外界有送賊盜至在德方則外界有送祥異至在合方則外界有送

書信

凡風驟起經半時止者此風在三百里來其占在民若在日辰刑傷方月內未貴若風色陰黑飛沙揚塵不出兩月民不安若在日辰德合方月內未賤在日辰本位上來民間有火此占不用分野但風所當處即為災。

凡風驟起吹沙走石經一二時止此風在五百里以上千里以下來其占在大臣長吏專視月建若在刑衝方來其地長吏有憂病出司若風帶熱吹灰漲天、色陰慘為長吏大臣死若在月德合及月建本位上來一百日內長吏有賞賜加職遷官之喜長史者一郡一州之長官也。

凡風驟起吹沙走石拔木半日一日而止當視太歲干支若在刑
衝上來君怒欲行誅殺不出三月米貴有旱澇之灾在德及
合上來不出三月有德令

凡風聲如雷觸地而起者其地大兵起

凡風雨後大雷皆為天子有急令

凡風鼓塵連日不散如霧其色黑赤黃燥有大灾

凡風聲怒鳴氣勢凄慘連日不止有兵則敗於所鳴之方無兵
則其地主民者有憂喪亦為有大灾

凡風入骨寒慘為雨

凡大風發屋折木天色赤者兵大起行千里又曰蝗蟲大起

凡六辛日風從宮宅中有人持酒肉來

凡大風黑雲綺繡臨軍者軍有憂十五六者大憂十八七者軍破滅
敵上有此急伐之

凡暴風急入舍發屋戶不出六十日有相殺者若入宮殿主者惡
之暴風入宮裂帷帳君有憂入軍幕折旗槍將有憂

凡晝昏有風聲而無風凶殃外至臣共欺君不出十日

凡風作後有雨者不占雨晴後風起即占之

凡天子占千步諸侯去宅五百里庶人去家一百占之

拾遺

凡軍行右畔有風動塵者吏士多死傷

風雨驟從四維上來翻覆回轉城營中必有反者

風從四維上來乍高乍下塞迅者敵欲發山林伏兵

暴風發屋折木從四維上來名曰賊風有賊兵從風所來東

北不出八日十日東南不出四日四日西南不出二日二十日西北

不出六日六十日

凡奸邪日風從貪狼上來賊兵自散

公正日風從陰賊上來止於奸邪賊必破滅

陰賊日時加貪狼風來寒急者敵軍夜來襲人急備之

陰賊日風從陽角上來賊欲來攻城期九日或四十日

諸商日時加宮風從角上來止於陰賊大兵卒至主人軍中欲

反勿信左右

諸羽日風從宮羽上來乍高乍下乍南乍北四面分散去復還

者敵詐降因欲道期七日若九日

諸商羽日皆有大風折木從甲子亥卯上來日中夜半風益急

者期三七日大賊至一云諸角日

諸微日風從巳午上止於亥軍中左右必有諸反之人六甲窮

日占同

諸陰賊日有飄風從四季上來時加四時季或鳥飛從四季上來必有搜捕之事欲知捕何人加戌丑為捕怨仇加辰未為捕盜鳥占即至 凡占以日時干支休旺期之

有風忽起西北却復東南四轉五復者主將貪霍士卒謀逆軍相當風從離坎起挾刑殺者慎勿出戰必敗

旋風猝起敵軍上急擊之勝

旋風自敵上來入我營中敵欲降如挾刑殺而來者敵欲攻我宜備之

旋風猝起而帶三刑五墓賊有伏兵

營中旋風頻起而出者不可以戰急移營去之

旋風挾時刑主人利疾戰日刑客勝

旋風直上衝天起我軍中急戰大勝

大風揚旗幟東西南北周旋回轉將死軍後若風統旗竿
直而下垂者戰大敗

五音次序

李淳風曰按五音所主以宮為体象五刑之內土為最土即是
地、與天敵体故宮 五音為君土者火之子也君國者必立

宗廟行號令徵又為號令故次之上以水為妻故羽又次之有妻必有子故商又次之物窮則變死而為鬼刑土者木也故以角終焉

觀象玩占卷之四十八終

觀象玩占卷之四十九

地

地變異占

地震地者積陰以靜為體地震動者陰有餘者主弱臣后妃
專政外戚擅權陽伏而不能出陰迫而不能入陰陽相薄故
地震動地動民不安春秋潭巴曰地震下謀上劉向曰地動臣
京房曰地動教令從下出不有飢荒必有流血

地震以六癸陰極之干或在己亥陰陽氣窮之日皆主兵起殺
戮之事震於陽歲則熟震於陰歲則人灾不熟震於陰極

亥日則兵飢震於陽極巳日則有兵而歲熟君弱臣強則地震於春夏臣欲篡叛則震秋冬皆陽失而陰盛之兆也

地震驚禽獸京房曰易妖占天子失位一曰未貴物不收盜賊起不出二年 地震壞城郭京房曰天下亡地

地動蹙屋天下兵行 地動獨於宗廟朝廷國有亂臣

地動搖木震水波臣專政 地動有赤水出司馬戮

地動殺人賊臣為暴

地以春動歲凶 夏動主人憂五谷熟 秋冬兵起

冬動其邑有土功一曰大水

地動有聲其地大亂

開元占曰

地春動有音歲不昌

夏動有音人主喪

四月動有音五谷不熟民飢五月動有

音人主喪民流亡六月動有音老少多死歲惡秋動有音兵起

在九月則殃大冬動有音人主有喪兵起十月動有音邑有土

功十一月動有音其邑有大兵喪人飢亡十二月動有音其邑兵行

地動十日以上大兵起

地動三年其國民流

地動東西連日

其地有兵民流

地動千里是謂陰盛陽衰國有大喪一日

不出三年兵起地動者民憂也

軍中地動有大戰有反軍中地震往彼軍利以軍擊震入我軍

宜固守地動而拆有急今近臣謀兵革興

地拆傳曰地拆裂士庶分離大臣專恣海中占曰主信譏女子為
政刑殺不當則地拆京房曰陰背陽則地拆此人君不親上下
不厚所致不救則骨肉相殘夷狄背叛又曰地拆者臣不相附
天下分離之象也春秋潛潭巴曰地裂下分威一曰地裂大水
溢 地裂有聲天下不寧兵起國易主一曰急兵起

京房占曰地劈于邑城毀壞 地劈於朝天下有大兵其邑亡
春夏無傷又曰地劈于朝廷邑分離為數鄉 地劈于宮殿

社稷亡

地劈于社稷及大祠其下邑有大殃一日天下大兵地起

地劈于丘塚民大死亡

地裂市邑其分有殃

地境曰地劈臣下有分離若在城門驕臣從中起邑有謀兵在社
稷天下有大兵在市里人居不出三年兵起國憂在道中王
道絕有分地而居者一日天下不通 地劈見雜物皆為兵起
地裂見水兵起國主灾 地秋裂民流亡

冬裂其國邑亡

夏裂五谷貴一日殺五穀

京房易妖

占曰地春劈無傷

二月三月劈歲熟四月五月

劈五穀登人主昌六月劈無傷七月劈有驚駭兵起有亡十一

月勞兵民大動十二月勞將死君亡 軍中地裂急徙之不則
有大敗 地勞而鳴君不任政臣令行

地勞有音洵天下動搖傳驛相從

地陷五行傳曰地陷者臣下專政人民分離君失其地天鏡占
曰地自陷天王亡地一曰陰吞陽下相屠一曰主勢奪地 鏡占曰
地無故自陷天下兵亂大水京房易妖占曰地陷君亡又曰地陷沒
人君為臣下所擒地陷没人君以重賦結怨不出二年有逆臣

地陷城坑或為池不出一年兵興 人家地自陷其人亡

地鏡曰地春陷大水魚行人道夏陷其國分有兵亦為非常

之水秋陷大兵冬陷有大水一曰冬春陷民飢

京房易妖占曰地自陷下以正月國有大事三月大水且至五月天下有兵民離其鄉六月大水猝至七月天下兵大行八月天下動搖民多行九月天下有亡君十月天下有兵十一月有水兵且行十二月大水民傷流

地陷生火其地有兵

軍中地忽自陷主將憂死急徙之

地鳴天下起兵相攻春秋潛潭巴地鳴天子不知國政政在婦

寺大乱將起

地中洶洶有聲京房占曰是謂凶祥所愛子死其有殃

地中聲潤潤其邑亡 地燃京房易妖占大地其國大國君死
一日地出火自然其民殘一日地燃有大亂兵自相攻殺

天文錄曰地燃者陰行陽政臣下自恣終以自害故地出火自然
終以自焚也

軍中地忽生大軍敗將死

地生毛天下亂兵起京房曰地生毛百姓勞五行傳曰金失其性
則地生毛亡國之徵易主之象也

地出血京房易妖占曰功臣戮厥妖地生血 地鏡曰地出血

亂兵地起國為墟京房曰地生血急去之

地無故色亦如火燃兵大起河圖秘徵曰地亦如丹血流沈、

地生光地鏡曰地忽生光如火照人其國危亡春秋潛潭巴曰
地生光女謁行又曰小人進賢人戒京房易妖曰王者不顧
骨肉厥德衰則地生光開元占曰敬暉植彥範被逐之時洛
陽城東白馬寺側地光如鏡行者見影此小人用事賢人戒
之驗也

地無故忽出泉成澤地鏡曰天下乱兵且有大水

京房易候曰天不雨而地自泉其國乱從中起地鏡曰湧泉
忽出臣為禍害不過三年國有憂喪 人家廷中湧泉無故

自出其家有喪

地無故生泉其邑有兵年中米貴

地無故自生雜物國亂兵起且有大水米貴 地出卯將軍凶

地自生五穀將軍得天道

地忽生黃土黃石黃色物將軍吉急戰勝得地

地忽生石礫急徙去之 軍地忽生鐵士卒亡將軍死軍地忽

主塵有大戰 軍地忽生荆棘軍破將死

地生肉其滅亡 地生麋人將飢

地生錢有兵來相攻急去之勿留 軍中地土錢下有謀

地忽生磐石其地可居吉 地自長地鏡曰地忽自長在大

道中天下不通 地長邑下其邑治 地長市中國有利

地長社稷王者有益地 地長洲島益地

地自長如丘壘其上生草木其國失土亡民則在春夏月則

吉 地卒長有生樹國安有死樹國失地 地土猝踊下人將起

一 地夏長歲熟 秋長有亡君易地一日殺六畜

冬長兵動人不安地長卒高其國易政 地長而生樹天下

受福 街巷道路無故自湧高國有逆臣不出三年敵國來侵

軍地暴長主將戰勝有功有討爵益邑

山川變異占

山崩五行傳曰陰乘陽弱勝強厥妖山崩者離散之象災異書曰山者宰輔之位山崩者宰輔失職也

劉向曰山崩者臣下皆叛散落不事其上之象也春秋運斗極曰山崩者陽毀失基春秋考異郵曰山者君之位崩也者踐也君失道其為臣所陵尚書中候曰山崩水潰納小人也地鏡曰山崩人君位消不出三年有兵奪之京房曰山崩天下亡又曰國山崩君失政女威擅權五年敗又曰邑山崩邑有戰主亡有大水地鏡曰山春崩其國有伐城憂崩天下大水國主

亡秋崩有大兵冬崩大飢京房易妖占曰山春崩國有亡邑
有拔城夏崩有亡君大水秋崩人主有殃冬崩兵起人飢又
曰山崩輒臣去又山以二月崩其邑有戰八月崩兵起十一月
崩國王降民從而行

山無故自陷其地有兵大作

山徙傳曰君不用道祿去公室賞罰自下女主專政是謂皇之不
極厥妖山徙不出五年有走王地鏡曰山徙直臣亡佞臣用政
出私門不出五年天下兵社稷亡

山徙君臣背國易政有大喪曰山分裂女主有謀

山鳴其地大乱賊起

山有聲如哭有大兵死喪

山穴作聲如雷不出一年賊起

山有長光臣下不良

山忽於石上其邑有賤人暴貴

山上忽生大石其邑喪主

山石自動自走其地有暴兵

山出大熾燃是謂鬼營亡國

之徵川竭伯陽甫曰昔伊落竭而夏亡河竭而商亡山崩

川竭國亡之徵也劉向曰山川連體下竭上崩乱之兆也

地鏡曰水忽自竭其邑將虛

都邑中水無故自絕其邑將徙人流亡

河徙地鏡曰是謂陰反不出五年有叛臣兵起民流亡又曰河徙

一里至三里臣下有謀五里至十里女主執政外戚有謀十里以上政在臣下

流水忽易道君易賢一曰邑將徙人流亡

河溢不出三年國有憂 水忽自盈起君凶且大水

池井有乱臣起篡國 河壅地鏡曰下臣執政不出六年主后

俱亡水忽不流婦人乱政有反臣有亡國地鏡曰流水忽或停

天下飢停水忽流天下兵 水闕京房曰天子弱諸侯力政厥

異水闕

水逆流地鏡曰是謂逆道不出二年兵從女主起

水化為血聖人戒以日期其年

京房曰君酒子酒淫于色賢者潛國家危厥異流水赤又曰水化為立其國有流血

五行傳曰水亦火沴水也發嚴刑酷傷水性也五行易節陰陽相干氣色繆亂皆敗亡之徵也

河清襄稽曰河者諸侯之象也其實本濁而清諸侯將為天子之象也清水忽自濁天下將亂

江河水沸京房占曰此執政懷奸不公衆邪並聚所致不救必有叛逆水無故自出高山其邑有兵亡

山石片忽有水出其地有謀不成 水忽出朝市兵起

澤水自鳴地鏡曰百姓衰苦若作金声其裂_地

澤水忽自無魚君無居 秋大水有兵起臣民有憂

土石井邑塚墓雜占

邑無故壅土如山是陽反陰人君好淫為女子所謀不出一年有
易君石自起立庶士為天下雄立於山為同姓平地異姓立於
水為聖人於澤

石自徙自動其地有兵乱起

石忽自生地鏡曰石生正方三宫外謀不出三年逆兵起

石出重累不出五年相謀逆且成

石生如聚不出五年其邑有兵

石生道中其所生國邑亡

石生水中上見近臣謀逆與文主連不出八年兵起

石生都邑人君去故就新不出三年易主更政

石生平野庶人與臣謀反不出三月

石生廟中人君不行先王法度不出三年易主

石生如人形奸臣持政一云君無嗣

石生如蜚鳥形內戚女主近謀逆

石生作獸形諸侯兵起

石化為人形君絕嗣

地鏡曰庶雉持政

石化為禽獸形諸侯近臣外戚謀反

石忽赤如血色地鏡曰父子道絕臣不從令

石忽濕汗出如血其地有兵起流血

石拆流水主謀不成

井水赤地鏡曰其邑將為虛

地鏡曰君井自濁政令不明又曰君井濁君將覆

人家井忽自濁其家主有殃

井忽自乾國君亡庶人亡

井水溢在國君凶在邑主者凶一日兵起

井忽自沸有聲在軍將死在邑長吏死在家其主人死

地鏡曰君井湧沸宗廟將毀

京房曰易侯曰泉水沸賤人將貴

人家井沸其室不居 井鳴君主亡國庶人亡家

井中出氣上至於天兵起國君走在外則其起之地有兵災
井忽涸在邑、空在家、破亡

邑沒而成溝是謂陰反陽不出二年女子有爭為主后者邑
廢裾陂倭人與賢人爭權不出一年其邑亡

邑滅而成土與屋同高是陰掩陽不出一年天下兵興

邑中冬不寒地不凍其國易政民飢絕貢

陵塚自陷天下移

塚自動天下破

塚鳴天下兵

塚樹自死天下易主庶人亡家

石自出火焚草木臣下謀亂

石中出煙百姓怨臣下有謀

觀象玩占卷之五十

日

日中氣

日中有黑氣如瓜形有大兵起

日中有黑氣如飛燕太子黜

日中有黑氣如棋子王者惡之

日中有黑氣乍青乍黃乍赤乍黑十五、多至數十圍繞四

旁天下謀叛臣黜主王者亡

日中有黑子聞天下有大兵相攻戰其分有拔城不出二年大飢

日中有雙鷄闕萬里荒旱連年天下大灾

日旁氣

日旁有赤氣黑氣各一條王者客死

日旁氣如兩青鳥人主恐臣恣暴大兵起

日旁有黃雲氣掩日所照皆黃乱兵起夷狄入

日旁有黑光磨蕩國易主兩軍相當其下大將死

赤氣在日旁如冬樹兵起客勝

日生珥四面色暈經黃如電一年內有大兵起國大旱天火為

祥人民驚惶恐乱

朔日日珥主風雨三珥大風雨四珥臣背

君兵起大旱

暈一重主大風雨兩重七日內大風雨或三重而有雜色間之謂之重輪主三日內臣亂兵起或一百日內應

日暈色紫有圍城主先勝後二日却敗

日暈兩珥外有聚雲在中外三日內城圍中出戰

日暈有雲氣從旁入為有戰隨雲攻之勝

圍城有白雲氣如蓋臨日上城降

日變異

二日相吞天下大亂凡日相吞則天下必陰晦伺定隱觀之有如

龍見主國家分離

日聞有五色雲似珥或成行隊相逐陵突太陽王者失國天下兵爭為兵為旱若兩軍相當其分營以應之

日無光王者失政臣下擅權作乱人民飢疫天下恐懼

日始出而無光白主病人君負臣百姓怨

日赤色上有芒天下攻戰所臨之國君死臣下為乱

日純白如練君得薄兵將起

日生齒足下謀上賊臣相攻兩敵相當有覆軍

日八月中九十日大兵起天下更令粟帛價貴三倍女主疾大

將死有大喪矣日日之亦是也

日食

日食而星墜復上兵疫民竭國將破滅

日食暈珥白雲來去掩映天下大亂臣殺其主

日旁食有白雲氣如白鹿白兔君遭亂大臣逆命不出三年其

分兵起

日食有雲氣似群鳥名曰天鷄后妃謀逆臣篡位

日食大風地鳴四方有白雲相搏臣叛

日食大寒其國大飢盜起夷狄交侵諸侯內亂

月 月旁星占

月出而有星在其背有奸人入城期五日若星在月下者吉有黑
星在月角上臣謀逆在月角下士卒亂星多則有大亂
月行有星圍繞之多至十數其分覆軍大喪

月圍有雙星捧之色明潤其國昌

月四旁有星環之其國昌

有流星墜自月旁其國先喪後兵

月下有二星橫列者商姓行軍勝

月初生而溇環中有一星角姓行軍勝在營房內兵謀亂

月弦上有一星徵姓人行軍勝賊軍有計相謀

月在上有一星居下角姓人行軍勝防外軍劫營

月在畔背有一星宮姓名行軍勝三日內賊軍來降

我軍守壁月內有一明星防外奸人入壘

攻城之際月左有星占上角者城不可攻

敵人守壘我軍攻之月下有一星相近防突兵

我軍圍敵國壘壁月背有星其我當潰若月背有三星如連珠城
不可攻而自破若三星環背抱月背則不可攻

軍圍敵壘月下有三星橫列者城內詐降宜備之

軍行有三星橫列在月上不利進戰宜固守防潰亂

月變異占

月中有神龍玉兔忽龍神倚玉兔者洪水滔天民流散千里荒
掠國亂連不止

月生芒軍在外者敗向北軍敗向南軍敗東西亦如之若
有氣出用兵者當隨其氣所向攻之勝

月之爪牙兵起備不虞有奸人用兵無功

月出而復墜臣謀上天下亂

月暈二十八宿占

月暈在兩角間大水多風雨大將憂

月暈元大臣死王者不安

月暈連角團及北斗大臣誅又日月暈連角元先起兵者有功
戰勝君有宮掖之兵期十日在秋三月大臣死兵戰水灾在
暈大雨雪不則王者自將兵

月暈氏兵起盜賊興 月暈房將相憂

月暈在心三日內有風雨否則為旱暈及尾宿四足虫為物害國
易政令麥貴

月暈箕及斗宿君失令暈東方未入箕中兵在外者勝暈從

南方來兵敗

月暈斗將易爵祿更天子法大臣憂月乘斗而變色王者惡之賊在宮中相死大風雨

月暈牛有土功小赦將軍暴亡有流血月乘牛宿變色牛馬死傷大水災人民相棄於道路

月暈女宿女工進有謀不成連牛宿有貴女人多暴死

月暈虛宿天下空虛邑盛兵亂有憂飢兵起 月暈危主兵喪

月暈室國有亂兵亡地若宗廟之事軍乏糧有哭泣君自將

月暈壁連及室宿兵起 月暈奎其分亂邊兵起

月暈委五日不雨兩軍有相謀有失地

月暈冒其野有兵不戰

月暈鼎大水五谷不成

月暈畢若三月中三暈天下中外俱改有風雨有大赦

月暈背道路不通大將死

月暈參貴臣憂其分飢

月暈井大水水官黜其分君長憂

月暈魁民疫大臣憂將死

月暈柳野有圍城有兵戰

月暈星厨官憂其分飢

月暈張將相及其分憂

月暈翼多土功有戰民移他室春暈有赦大風傷物

月暈軫民飢將軍死

月犯二十八舍占

月犯角出其北胡王死天下多雨出中道南王者惡之臣離其

上犯亢行罰大行

犯氐前二星后灾犯_後二星庶婦人灾又

大將軍灾

犯房將相憂又主兵乱飢馬灾疫 犯心臣謀

君犯中星宮中有賊臣乘心出太子南君憂兵起兵在外則

將易

犯尾後宮不安

犯箕主口舌胡兵敗又主將軍死

犯斗風雨不時吳分兵起將相灾閼梁不通

犯牛道路不通在冬三月牛馬暴死犧牲之官灾國有憂將軍

死兵喪並起谷貴若乘牛而變色有大水人相棄於道路

犯女、工廢 犯虛大飢天下多哭泣國有陵廟事

犯危主兵喪來年未貴

犯室宗廟毀宰相憂上功興有哭泣兵在外敗

犯壁大人憂近臣去將軍死之糧有謀府庫上功事

犯奎大臣乱政 犯委有聚飲事有淫獵有愁獄訟君納

女色游戲無節大臣憂有軍在外不戰而解

犯胃兵飢及疫夷狄為憂五谷不實

犯昴貴人憂獄訟煩多無辜獲罪若掩之胡不安將死

大臣專政出鼎北天下有喜有雲侵月不散兵出不得地
大臣匿罪亦雲侵月兵入胡地

月一歲不出畢昴之間來年兵起有赦

月見畢中女主死有德令

月在畢变色邊兵有急今有戰吏多死道路有叛者犯觜
刑罰濫用將相有憂一云小將死外有兵小戰將反

月在參变色百姓食蓀蓀犯伐星風雨兵起犯左右股五谷
貴大臣誅死 犯井王者惡大臣誅主大水秦雍火

犯鬼五谷貴三倍有風雨

犯柳王者慎飲食大臣有殃

犯星掌文綉之官誅月宿七星而霧人民流亡

犯張水旱不調后宮憂 犯翼北夷有兵侵疆

犯軫兵車大動

月旁氣占

月旁有赤雲氣如人頭或如鏡其下軍敗流血無兵起日同占
月旁出氣如弓在軍宜整武備固營柵

月暈占

月暈再暈有赤雲繞之而光如鮮煙有軍在外則大戰萬人死

其下

月暈成影青黃如虹或有黑氣如雲及星俱暈臣叛兵起暈至

七八重天下易主

月珥暈而色青黃其光以電則臣逆有反兵國乱三百日內見

月暈一重風雨再重則大風雨七日應三重四重民灾病起國不

安百日內應

月暈抱珥暈外有赤雲氣圍城者勝無軍為大水不出一月或

日陰謀不成

月暈而陰乱風四起欲雨不雨士卒謀其將帥

月暈有赤雲氣如杵狀在月旁軍在外敗

月食占

月食而中有星大臣謀亂

月食而赤如血大兵起大人富之國大戮敗亡之象

月食秦國大旱

二月趙國大水災

三月燕國兵起

四月魏國大旱

五月齊國虫災

六月魯國水災

七月魏國大旱

八月國大陰晦

九月趙國牛羊災

十月同上

十一月周國兵起

十二月同上

月五星變異占

歲星食月臣賊君國易政八月中國有反相

月暈歲星大水人主憂疾

月犯熒惑後宮有害主者熒惑

與月同光或相死犯有內犯有逐君大臣憂

月犯熒惑有兵起大旱

月犯鎮星女主惡之

月與鎮星同宿而食國飢亡

月食鎮星女主凶

鎮星入月中有土功貴人絕王者惡之不出四十日

月暈鎮星色明吉暈三重相死土功興兵起女主憂

月戴太白士卒亂

月與太白同宿而食其國以無禮亡

月刺太白陽大邑勝小邑諸刺太白陰國兵在外者未及入內

入未及出太白在月東將軍自敗親臣篡弑太白在月西道

路不通兵起諸侯叛太白在月南吳楚兵災太白在月北夷

狄侵中國 月與太白同宿太子亡

太白與月同出西方星在北、軍勝在南、軍勝月色白其中方
軍敗將死

太白出東而有木水火土一星同出則東方之國不可擊出西
方亦如之

太白入月而月無光臣為逆月明而星無光將死星不見客軍敗
月犯辰星或長星入月月月中

月犯辰星或辰星入月中有大水戎事起不出三旬有匿謀春

夏主水秋冬為大雪不雪亦為雨水牛馬疫谷貴不出半歲
主人失地將軍戰敗

辰星八月而出君臣俱亡

北方之地大邑為小邑

月暈辰星再合國主亡

春夏暈辰病寒熱

秋冬暈辰星兵戈起大水女主凶

星

北斗雜占

北斗下有白氣如破車輪者大飢兵起

黑氣出北斗旁天下大灾水旱兵疫俱起

白氣如雲連夜遮掩北斗七日兵大起

白氣如車輪出斗下漸入斗口年凶盜起

黑氣守斗旁久而去年凶大水兵起

白霞氣入北斗連三五夜不過七十日兵大起

紫氣入北斗有喜以日命國

青氣入北斗賊侵郡邑在冬三月尤凶

兩軍相當視北斗有霞掩之敵人係戰宜謹守不可出關

赤氣入斗盜起軍憂

蒼氣入斗賊兵欲來侵軼三冬之月尤凶

北斗占五谷善惡

當以歲除夜五更視其星所主明則成熟暗則有損

貪狼主蕎麥

巨門主粟

祿存主黍

文昌主芝蔴

廉貞主麥

武曲主粳糯米

破車主赤豆

輔星主大豈

漢書云玉衡第一星主徐州常以五子日候之甲子為海內丙子

日為琅琊戊子日為彭城庚子日為下邳壬子日為廣陵凡五郡

第二星主益州常以五亥日候之乙亥為漢中丁亥為永昌己亥為

巴蜀何辛亥為廣漢為犍為凡七郡

第三星主冀州常以五戌日候之甲戌日為魏郡渤海丙戌為安定戌戌為鉅鹿河間庚戌為清河趙國壬戌為恒山凡八郡

第四星主荊州常以五卯日候之乙卯為南陽己卯為零陵辛卯為桂陽癸卯為長沙丁卯為武陵凡五郡

第五星主兗州常以五辰日候之甲辰為東郡陳留丙辰為濟北戊辰為山陽泰山庚辰為濟陰壬辰為東平任城凡八郡

第六星主揚州常以五巳日候之乙巳為豫章辛巳為丹陽己巳為廬江丁巳為吳郡會稽癸巳為九江凡六郡

第七星主豫州常以五午日候之甲午為潁州壬午日為梁國丙午

為汝南戊午為沛國庚午為魯國凡五郡

第八星主幽州常以五寅日候之甲寅為玄菟丙寅為遼東遼西
漁陽庚寅為上谷伐郡壬寅為廣陽戊寅為涿郡凡八郡

第九星主并州常以五申日候之甲申為五原鴈門丙申為朔方
雲中戊申為西河庚申為太原定襄壬申為上黨凡八郡

北斗第一星忽微不見國大將死

北斗口內小星衆多則天下失業米貴兵起

老人星占

常以立夏日夜觀其星明朗天下稔大暗則天下不收丰明小收

辰星 附太白星

常以十二月二十三日夜占星去月及何方如辰在月南至近不移
主夏早晚田不收在月西主先刑主臣乱五谷熟國不安辰在
月東北禾少收人不安辰在月東南風雷乱傷禾亦收辰在
月西北有蟲旱災辰在月西南主逆臣乱兵起田苗傷其夜
太白星在月東三百日內大兵起

妖星

天杵星狀如太白出五芒見則大旱兵起

亡國星大似老人星或旁附一小星主幼或於大臣亡國之徵

玄冥星狀如雄鷄色黃赤出則兵起國不寧

鏡星出離地可四丈似月見則為上下乖亂無德者亡有德者昌
武氏曰鏡星大似流星有大光有聲墜地如大圓如數頃上有黃光見則千里破軍殺將

夷人星中有一大星其旁小星聚圍之見則外夷犯邊兵戈大起蓬
頭星狀如人頭有亂髮見則謀事之臣叛

稼穡星有四星狀類墳墓見則大稔

翔拂星光芒如拂見則有國家宗祀事

龍之星其狀如枝出則王者多子孫

百埃星狀如氣埃氣中有光見則諸侯多事人民不安

毛毳星形如毳有毛見則國多苛碎之政

履蓋星狀如細蓋形見則兵起人災

靈芝星狀如芝草見則天下太平

將相星有二星並見大小相逐見則大臣有文武之德

流矢星狀如矢見則四方不寧

六害星有六星並出而俱有光芒見則兵起流血

分霞星有二星並出光芒相射見則其分外國進寶物于朝

氣中星赤氣中見三星在西北方見則有誘害大臣之事

雲附星赤雲中見二星一大一小見則大暑熱天下大疫

破女星狀如類彗芒氣雙出見則有兵喪飢疫並起

輝散星有芒氣上出二星在其中見則兵起人灾

彗星

彗星出月左右不出三年有兵喪大臣猖乱

彗星觸月暴兵起

彗星入月或滅光所在之國滅及出有復立者

彗星如幢節或如劒兵起其鋒不可當

彗星從中天出曳尾向口奸臣謀主自南曳尾向北主多殺害自

中天出尾向東天下多穢殄尾向西小人有謀大臣者尾南士
人凶又曰彗星指東吳越兵起指西外國人有人事入中國指
北大水灾指南為旱

彗星東南西北指所指向有大風為灾西北行東南指有大雨
六兵為乱

彗星出角間白色國有大戰赤色有流血有喪

彗守亢朝廷惡之兵為喪

彗犯氐天子失德金玉大貴出氐中天下大赦其分大疫谷貴兵起
彗犯房或出房中天子失道諸侯謀叛

彗貫房宿天子宫中大亂

彗出心兵起天子宫中大臣相誅殺

彗出心舊守之天子有喪德令不行蝗蟲大起人民飢流不出五年

彗出尾后妃誅兵起宮中國易政近一年遠三年又曰大臣相誅伐

期三年犯尾譏臣與卿相災歲多征役近百遠一年

彗犯箕夷北為亂大兵起米貴十倍天下飢

彗犯南斗王者病臣誅君兄弟父子相謀是謂無禮天下易政

大亂兵起近半年遠一年

彗出南斗大臣謀反兵起大水吳越有亂或曰太子有謀

彗犯牛邊兵為亂人主憂有災紀易號米貴牛死

彗犯女其邦兵起王者信譖女主為亂不出三年若入女中大兵起主者惡之將戮有大戰不出三年

彗犯虛國有反臣兵大起國易政期三年

又曰彗出虛天子自將兵於野

彗犯危國有叛者彗出危宿齊地起兵國有喪大水人飢期三年
彗犯室大水天下亂易政有大喪彗出室中後宮有為亂者若犯室兵先起者不可戰必亡近三年遠五年

彗犯壁國有大兵起有大災宮廟流水天下不安者若出壁君自

將兵災及宗廟出室壁間大兵起

彗犯奎有瘕立君自將兵民大飢國絕嗣先旱後水若出奎其
分民飢大水禁兵蓋出有大喪在強國外夷兵入應在三年

彗犯婁五穀不成牛馬死倉庫空大兵起先旱後水民飢國亂

彗出婁國有大兵宗廟不饗

彗犯胃大臣為亂天下兵起五穀不登人飢倉庫空若出胃卯

間其國兵喪並起

彗犯昂君弱臣強大臣為亂邊兵起天下飢彗出昂畢間大

兵起有大敵

琴犯畢有大兵戰斷祿亂封若入畢邦邑流血琴出畢為兵後
宮有亂忌王者之若守之諸侯益土久守國亂大臣誅

琴犯臂兵起後作出臂人君多殺無辜國以亂敗入臂其分
其地兵起天下擾琴出臂參干戈四起國亡地大臣出伐期
三年遠五年

琴犯參其國兵大起戰敗將亡若出其宿天子更改政令天下
舉兵王者失地大臣為逆出伐星天子以甲兵為用干戈
蒲野出參中君憂臣叛 鉄鉞用

琴犯井大臣誅其分兵起若入井中大人死守井三十日相當

之七十日人主死

彗出地為喪事大疾兵起

彗犯柳國誅大臣兵喪並起外臣主宗社危彗出柳為大兵
喪大旱飢

彗犯星井有乱臣國兵起大臣誅

彗犯張天子將兵出宮天下乱彗出張其分大旱其國內外
兵起官憂天下半亡

彗犯翼兵起大臣憂彗出翼軫之間下犯上大兵起

彗犯軫有兵喪出其分天子死兵起宮中兆民無主

彗星東分尾向西主宮殿將移國大亂

南尾北主北邊及中元大亂

西尾東主大臣私祿狂謀大亂

北尾南主君失臣佐人卒大惡

彗星見月旁主宮中流血有陰謀事

彗星見北斗前守貪狼星主三日內有大兵起

流星占

晝日無光而有流星民大疫疾

流星日將入而見前赤後白大臣欲謀國而發使也

流星日未入而墜其光映天野有大灾兵起大戰流血大旱兵
在外則將死

流星晨見有陰謀篡國之事

流星晝墮野雉皆鳴所墜地有大兵大戰流血王者憂

流星分為八角八道兵起賊欲發使也又曰卿相出走外國王
者宜發使往四方以應之

流星四散百姓流亡若而流所之地兵聚其下若交錯行爲
兵大戰

流星來入軍中有詐降者

流星入角兵吏有罪色赤四夷有兵前赤後黑兵敗將死色黃
土功興白義兵起入兩角間大臣出使抵角不動臣欲謀君又曰
流星入角春為疫 夏為口舌 秋死喪 冬賢良用事

流星犯亢府庫官憂流言興王者憂在冬為盜賊起水灾入
亢中大臣逃走自死期在一年星色近臣口舌期在百日出亢
君灾失法度天下乱大水為灾兵伐並起

流星犯氐兵起有大水國相灾入氐中民飢疫又曰犯氐秘閣
之官有事春秋臣有貶出冬夏多雨水否則大旱婦人多淫
乱入氐外夷来附

流星犯房國有大喪流入蛇行入房臣弑主輔臣亡亦為水灾春
夏犯之士官憂秋冬犯之民飢太宰憂

流星犯心大臣有謀君者兵起宮中若衝心王者憂在春夏有
火灾在秋冬庶子有憂犯中星有大喪入心有外使

流星犯尾衝中星君側有臣進直言而君憂之又曰犯尾后妃
有貶在春夏后宮有兵起在秋冬賢良用事妖言被誅亦為
佞人誅若出尾首色黑臣下有逃亡者若入尾青黑色臣
有歸國者

流星犯箕後宮口舌在春夏金玉貴秋冬土功興王者作宮殿

浚城隍

流星入斗大箕中其下流星出箕大臣斥逐

流星犯斗宰臣憂在春夏君不壽在秋相黜徒在冬大臣逆命

流星入南斗使者來出斗大臣黜

流星犯牛大水將灾秋冬五谷貴

流星犯女布帛貴在春夏多大雨在秋繒帛貴蚕不收

流星犯虛天下哭泣在春夏宮廟憂在秋冬天子自將兵於野

大臣憂色亦使者出色黃使者來受賜

流星入虛天下不寧其國凶下人謀上在一年

流星入危民大困若犯之祭祀事有口舌色黃土功興

流星交加于危堦庭兵起

流星犯室軍乏糧春夏犯之將帥敗出秋冬犯百川溢土功興

流星犯壁國有兵起在春夏文士用在秋冬道術興津梁人主

用舊臣若抵壁宿兵淫四夷人多征伐

流星犯奎武庫用事在春夏為兵革在秋冬為百川溢入奎有

破軍殺將有川潰事在國內欲謀者事不成而敗

流星犯婁有聚衆之事於外國人婁貴臣相謀事急祭祀失

祀在春夏為苑圃興作在秋冬犧牲貴流星數犯婁人民流亡

流星犯胃倉廩有大災在春夏之時其年谷大貴在秋冬倉廩
虛飢人相食

流星犯昴胡王死在春夏其分不寧在秋冬有大赦期三旬昴
西夷狄兵起有白衣會出昴中兵車滿野邊使采

流星犯畢邊兵起在春夏大戰流血在秋冬大水魚行人道
入畢復出使往復逆

流星犯觜君欲行斬芟之今在春夏多雨水在秋冬多大風人
民多死入觜君有使從外國來出觜葆旅事在外國

流星犯參邊兵起在春夏名將死在秋冬猛將受用出參南而

入參北不出十六年有小國之君并有天下犯左星朱貴犯右
星米賤入而不出兵不可先起先起者必敗後起者勝

流星犯東井有水灾秦分人飢出井有水事興於國又主大水入
井大臣誅兵起

流星衝井先大而後小有大使而憂在春夏秦分飢乱百川
溢在秋冬宮中憂魚鹽貴人死

流星犯鬼王者斬戮奸謀在春夏為政事在秋冬為積尸君
疾病入鬼國通四方來貢奔星犯之人多餓死

流星犯柳外國有名人來貢若入柳中主有在春夏必發急使

在秋冬數犯者后宮有口舌奸私事

流星犯七星國有火兵起入其中有急使來又曰君有急事五
谷不成出其中有使出期半年在春夏為兵起在秋冬為水
衝之有水灾人主憂之

流星犯張人君宜備不虞又曰天下更令出張為諸侯爵祿

流星犯翼春夏為樂官秋冬為土功事抵之君弱臣強出翼
海內受賜

流星犯軫有庫藏事春夏皮革發用秋冬水旱不調若入軫
為兵喪並起有兵車為弊法官貴人謀亂犯長沙天下流血

流星赤色出芒四垂從西方入我營二十日內有大戰從北入彼
營急戰大勝若三星出芒四垂從北向南在軍宜先動大勝
若止一星從西南東行者在營急整武備有二星曳尾連並
東來向西宜疾戰大勝

雲氣占

日時將出雲氣赤紫布天七日內有大雨水

四方有黑煙籠赤雲如火在煙中主不雨

天低氣昏三日內有雨 天高氣白無雨多風

天氣鬱蒸雲色彤於左右日之上下春夏秋見則為雷雨冬

則為風雪雲片、相逐聚散不常其色紫白圍繞日光必
有大風雲脚黃而日赤者大風

地震占

正月動主兵 二月動水灾 三月動人病 四月動兵起蟲蝗

五月動兵起蟲蝗 六月動疾病 七月動牛羊瘡

八月動大雪凍冷損麥 九月動民不安 十月動来年谷貴

十一月動来年灾 十二月動来年五月灾

從乾至選動主燕國兵起 從坎至動關中兵起

從艮至坤動秦國大乱 從兌至震動韓國大乱

從選至坤動魏國兵起小灾

從震至兌動楚國人灾

從坤至艮動晉國大水

從離至兌動趙國人灾

從艮至離動魯國大熱殺人

從離至坤動宋國大乱

右以上須審其起止占之